

四庫全書

史部

欽定四庫全書

史部

後漢書卷九十九

一百九

詳校官侍講臣王燕緒

洗馬臣王坦修覆勘

覆校官學正臣徐立綱

校對官典簿臣劉光第

謄錄監生臣王寶唐

欽定四庫全書

後漢書卷九十九

宋

宣

城

太

守范

煜撰

唐

章

懷

太

子

賢注

竇何列傳第五十九

竇武傳

竇武字游平扶風平陵人安豐戴侯融之玄孫也父奉
定襄太守武少以經行著稱常教授於大澤中不交時

事名顯關西延熹八年長女選入掖庭桓帝以為貴人
拜武郎中其冬貴人立為皇后武遷越騎校尉封槐里
侯五千戶明年冬拜城門校尉在位多辟名士清身疾
惡禮賂不通妻子衣食裁充足而已是時羌蠻寇難歲
儉民飢武得兩宮賞賜悉散與太學諸生及載肴糧於
路匱施貧民兄子紹為虎賁中郎將性疎簡奢侈武每
數切厲相戒猶不覺悟乃上書求退紹位又自責不能
訓導當先受罪由是紹更遵節大小莫敢違犯時國政

多失內官專寵李膺杜密等為黨事考逮永康元年上

疏諫曰臣聞明主不諱譏刺之言以探幽暗之實忠臣

不恤諫爭之患以暢萬端之事是以君臣並熙名奮百

世也

熙盛

臣幸得遭盛明之世逢文武之化豈敢懷祿逃

罪不竭其誠陛下初從藩國爰登聖祚天下逸豫謂當

中興自即位以來未聞善政梁孫寇鄧雖或誅滅

梁冀壽

寇榮鄧萬世見桓紀也而常侍黃門續為禍虐欺罔陛下競行謫

詐自造制度妄爵非人朝政日衰姦臣日彊伏尋西京

放恣王氏佞臣執政終喪天下今不慮前事之失復循

覆車之軌臣恐二世之難必將復及

二世即胡亥

趙高之變

不朝則夕

趙高使女婿間樂
弑胡亥於望夷宮

近者姦臣牢脩造設黨議

遂收前司隸校尉李膺太僕杜密御史中丞陳翔太尉

掾范滂等逮考連及數百人曠年拘錄事無効驗臣惟

膺等建忠抗節志經王室此誠陛下稷禹伊呂之佐而

虛為姦臣賊子之所誣枉天下寒心海內失望惟陛下

留神澄省時見理出

時謂即時也

以厭人鬼喁喁之心臣聞

古之明君必須賢佐以成政道今臺閣近臣尚書令陳蕃僕射胡廣尚書朱寘荀绲音古本反劉祐魏朗劉矩尹勲等皆國之貞士朝之良佐尚書郎張陵媯皓苑康楊喬

邊韶戴恢等文質彬彬明達國典內外之職羣才並列而陛下委任近習專樹饕餮外典州郡內幹心膂宜以次貶黜案罪糾罰抑奪宦官欺國之封案其無狀誣罔之罪信任忠良平決臧否使邪正毀譽各得其所寶愛天官唯善是授如此咎徵可消天應可待間者有嘉禾

芝草黃龍之見夫瑞生必於嘉士

嘉士猶善人也

福至實由善

人在德為瑞無德為災陛下所行不合天意不宜稱慶

書奏因以病上還城門校尉槐里侯印綬

上音時文反

帝不

許有詔原李膺杜密等自黃門北寺若盧都內諸獄繫

囚罪輕者皆出之

都內主藏官名前書有
都令丞屬大司農也

其冬帝崩無

嗣武召侍御史河間劉儻參問其國中王子侯之賢者

儻稱解瀆亭侯宏武入白太后遂徵立之是為靈帝拜

武為大將軍常居禁中帝既立論定策功更封武為聞

喜侯子機渭陽侯拜侍中兄子紹鄂侯遷步兵校尉紹
弟靖西鄉侯為侍中監羽林左騎武既輔朝政常有誅
翦宦官之意太傅陳蕃亦素有謀時共會朝堂蕃以私
謂武曰中常侍曹節王甫等自先帝時操弄國權濁亂
海內百姓匈匈歸咎於此今不誅節等後必難圖武深
然之蕃大喜以手推席而起武於是引同志尹勲為尚
書令劉瑜為侍中馮述為屯騎校尉又徵天下名士廢
黜者前司隸李膺宗正劉猛太僕杜密廬江太守朱寓

陳寔為屬共定計策於是天下雄俊知其風旨莫不延頸企踵思奮其智力

續漢志曰桓帝初京都童謡曰游平賣印自有評不避賢豪及大姓

案武字游平與陳蕃合策戮力唯德是建咸得其人賢豪大姓皆絕望矣會五月日食蕃復

說武曰昔蕭望之固一石顯

元帝時奄人石顯為中書令譖御史大夫蕭望之令

自殺近者李杜諸公禍及妻子况今石顯數十輩乎蕃

以八十之年欲為將軍除害今可且因日食斥罷宦官以塞天變又趙夫人及女尚書旦夕亂太后宮也夫人

女尚書內

即趙急宜退絕惟將軍慮焉武乃白太后曰故事黃門

燒

常侍但當給事省内典門戶主近署財物耳今乃使與
政事而任權重子弟布列專為貪暴天下匈匈正以此
故宜悉誅廢以清朝廷太后曰漢來故事世有但當誅
其有罪豈可盡廢邪時中常侍管霸頗有才略專制省
內武先白誅霸及中常侍蘓康等竟死武復數白誅曹
節等太后尤豫未忍光音淫光故事久不發至八月太
白出西方劉瑜素善天官惡之上書皇太后曰太白犯

房左驂上將星入太微其占宮門當閑將相不利姦人在主傍願急防之又與武蕃書以星辰錯繆不利大臣宜速斷大計武蕃得書將發於是以朱寓為司隸校尉劉祐為河南尹寘祁為洛陽令武乃奏免黃門令魏彪以所親小黃門山氷代之使氷奏素狡猾尤無狀者長樂尚書鄭颺颺音立送北寺獄蕃謂武曰此曹子便當收殺何復考為武不從令氷與尹勲侍御史祝瑨雜考颺辭連及曹節王甫勲氷即奏收節等使劉瑜內奏時武

出宿歸府典中書者先以告長樂五官史朱瑀瑀盜發
武奏罵曰中官放縱者自可誅耳我曹何罪而當盡見
族滅因大呼曰陳蕃竇武奏白太后廢帝為大逆乃夜
召素所親壯健者長樂從官史共普張亮等十七人噏
血共盟誅武等曹節聞之驚起白帝曰外間切切請出
御德陽前殿令帝拔劍踊躍使乳母趙嬌等擁衛左右
取棨信閉諸禁門棨有衣戟也漢官儀曰凡居宮中皆
施籍於掖門案姓名當入者本官為
封棨傳審印
信然後受之召尚書官屬脅以白刃使作詔板拜王甫

為黃門令持節至北寺獄收尹勲山水冰疑不受詔甫
格殺之遂害勲出鄭颺還共叔太后奪璽書○劉攽曰
案太后所
守非璽書也當是璽綬誤作
書字順帝亦先奪得璽綬令中謁者守南宮閉門絕
複道複音福使鄭颺等持節及侍御史謁者捕收武等武
不受詔馳入步兵營與紹共射殺使者召會北軍五校
士數千人屯都亭下令軍士曰黃門常侍反盡力者封
侯重賞詔以少府周靖行車騎將軍加節與護匈奴中
郎將張奐率五營士討武夜漏盡王甫將虎賁羽林廄

騎都侯斂戰士合千餘人出屯朱雀掖門與奐等合明
旦悉軍闕下與武對陳甫兵漸盛使其士大呼武軍曰
竇武反汝皆禁兵當宿衛宮省何故隨反者乎先降有
賞營府素畏服中官於是武軍稍稍歸甫自旦至食時
兵降略盡武紹走諸軍追圍之皆自殺梟首洛陽都亭

續漢志曰桓帝末京師童謠曰茅田一頃中有井四方
纖纖不可整嚼復嚼今年尚可後年碗案易曰拔茅連
茹茅喻羣賢也井者法也時中常侍管霸等憎疾海內
英賢並見廢銅茅田一頃言羣賢衆多也中有井者言
雖厄窮不失法度也四方纖纖言姦慝不可理也嚼飲
酒相強之辭也言不恤王政徒耽宴而已今年尚可者

言但禁錮也後年碗者陳蕃竇武等誅天下大壞也碗音苦教反碗猶惡也

收捕宗親賓客

姻屬悉誅之及劉瑜馮述皆夷其族徙武家屬曰南遷

太后於雲臺當是時凶豎得志士大夫皆喪其氣矣武

府掾桂陽胡騰少師事武獨殯斂行喪坐以禁錮武孫

輔時年二歲逃竄得全事覺節等捕之急胡騰及令史

南陽張敞共逃輔於零陵界詐云已死騰以為已子而

使聘娶焉後舉桂陽孝廉至建安中荊州牧劉表聞而

辟焉以為從事使還竇姓以事列上會表卒曹操定荆

州輔與宗人徙居於鄴辟丞相府從征馬超為流矢所
中死飛矢中傷也

流矢曰流

矢中傷也

初武母產武而并產一蛇送之林中後

母卒及葬未窆有大蛇自榛草而出

廣雅曰木

曰榛

徑至喪

所以頭擊柩涕血皆流俯仰跔屈

詰音丘吉反

若哀泣之容

有頃而去時人知為竇氏之祥

祥吉凶之先見

者騰字

子升初桓帝巡狩南陽以騰為護駕從事公卿貴戚車

騎萬計徵求費後不可勝極騰上言天子無外乘輿所

幸即為京師臣請以荊州刺史比司隸校尉

南陽屬荆

州故請以

刺史比臣自同都官從事帝從之

漢官儀曰都官從事主洛陽百官朝會與

三府掾

自是肅然莫敢妄有干欲騰以此顯名黨錮解

官至尚書張敞者太尉溫之弟也

漢官儀曰溫字伯慎穰人也封玄鄉侯太

史奏言有大臣誅死董卓取溫皆殺於市以厭之

何進傳

何進字遂高南陽宛人也異母女弟選入掖庭為貴人有寵於靈帝拜進郎中再遷虎賁中郎將出為潁川太守光和二年貴人立為皇后徵進入拜侍中將作大匠

河南尹中平元年黃巾賊張角等起以進為大將軍率
左右羽林五營士屯都亭修理器械以鎮京師張角別
黨馬元義謀起洛陽進發其姦以功封慎侯慎縣屬汝南郡四年

榮陽數千人羣起攻燒郡縣殺中牟縣令詔使進弟
河南尹苗出擊之苗攻破羣賊平定而還詔遣使者迎
於成臯拜苗為車騎將軍封濟陽侯五年天下滋亂望
氣者以為京師當有大兵兩宮流血大將軍司馬許涼
假司馬伍容說進曰太公六韜有天子將兵事太公六韜篇第六

一霸典文論第二文師武論第三龍韜主將第四虎韜
偏裨第五豹韜校尉第六犬韜司馬龍韜云武王曰吾
欲令三軍之衆親其將如父母聞金聲而怒聞鼓音而喜為之柰何可以威厭四方進以
為然入言之於帝於是乃詔進大發四方兵講武於平
樂觀下起大壇上建十二重五采華蓋高十丈壇東北
為小壇復建九重華蓋高九丈列步兵騎士數萬人結
營為陳天子親出臨軍駐大華蓋下進駐小華蓋下禮
畢帝躬擐甲介馬擐音宦擐貫也介亦甲也稱無上將軍行陳三匝
而還詔使進悉領兵屯於觀下是時置西園八校尉以

小黃門蹇碩為上軍校尉虎賁中郎將袁紹為中軍校尉屯騎都尉鮑鴻為下軍校尉○劉攽曰案文漢無屯

都尉當誤都字宜作

校議郎曹操為典軍校尉趙融為助軍校尉淳于瓊為佐軍校尉又有左右校尉帝以蹇碩壯健而有武略特親任之以為元帥督司隸校尉以下雖大將軍亦領屬焉碩雖擅兵於中而猶畏忌於進乃與諸常侍共說帝遣進西擊邊章韓遂帝從之賜兵車百乘虎賁斧鉞進陰知其謀乃上遣袁紹東擊徐兗二州兵須紹還即戒

事以稽行期初何皇后生皇子辯王貴人生皇子協羣臣請立太子帝以辯輕佻無威儀不可為人主前書曰佻輕也

然皇后有寵且進又居重權故久不決六年帝疾篤屬

協於蹇碩碩既受遺詔且素輕忌於進兄弟及帝崩碩

時在內欲先誅進而立協及進從外入碩司馬潘隱與

進早舊迎而目之進驚馳從僥倖歸營引兵入屯百郡

即廣雅曰僥倖也音任覽反謀不行皇子辯乃即位

何太后臨朝進與太傅袁隗輔政錄尚書事進素知中

官天下所疾薰忿蹇碩圖已及秉朝政陰規誅之袁紹
亦素有謀因進親客張津勸之曰黃門常侍權重日久
又與長樂太后專通姦利靈帝母董太后居長樂宮將軍宜更清選
賢良整齊天下為國家除患進然其言又以袁氏累世
寵貴海內所歸袁安為司徒司空孫湯為司徒太尉湯子成五郎將成生紹故云累世寵貴
也而紹素善養士能得豪傑用其從弟虎賁中郎將術
亦尚氣俠故並厚待之因復博徵智謀之士龐紀何顥
荀攸等與同腹心蹇碩疑不自安與中常侍趙忠等書

曰大將軍兄弟秉國專朝今與天下黨人謀誅先帝左右埽滅我曹但以碩典禁兵故且沈吟今宜共閉上閭急捕誅之中常侍郭勝進同郡人也太后及進之貴幸勝有力焉故勝親信何氏遂共趙忠等議不從碩計而以其書示進進乃使黃門令收碩誅之因領其屯兵袁紹復說進曰前竇武欲誅內寵而反為所害者以其言語漏洩而五營百官服畏中人故也今將軍既有元舅之重而兄弟並領勁兵部曲將吏皆英俊名士樂盡力

命事在掌握此天贊之時也將軍宜一為天下除患名

垂後世雖周之申伯何足道哉

雅曰申伯周申后父也詩大

翰今大行在前殿人主崩未有謚故稱大行也前

書音義曰大行者不反之辭也將軍

宜受詔領禁兵

○劉放曰案文多一宜字

不宜輕出入宮省進甚然

之乃稱疾不入陪喪又不送山陵遂與紹定籌策而以

其計白太后太后不聽曰中官統領禁省自古及今漢

家故事不可廢也且先帝新棄天下我奈何楚楚與士

人共對事乎

楚詞曰楚楚鮮明貌也詩曰衣裳楚楚

進難違太后意且欲

誅其放縱者紹以為中官親近至尊出入號令今不悉
廢後必為患而太后母舞陽君及苗數受諸宦官賂遺
知進欲誅之數白太后為其障蔽又言大將軍專殺左
右擅權以弱社稷太后疑以為然中官在省闈者或數
十年封侯貴寵膠固內外進新當重任素敬憚之雖外
收大名而內不能斷故事久不決紹等又為畫策多召
四方猛將及諸豪傑使並引兵向京城以脅太后進然
之主簿陳琳入諫曰易稱即鹿無虞易屯卦六三爻辭也冀掌山澤之官

即鹿猶從禽也
無冥言不可得諺有掩目捕雀夫微物尚不可欺以得

志况國之大事其可以詐立乎今將軍總皇威握兵要
龍驤虎步高下在心此猶鼓洪爐燎毛髮耳夫違經合
道天人所順而反委釋利器更徵外助大兵聚會彊者

為雄所謂倒持干戈授人以柄前書梅福上書曰倒持太阿授楚以柄功

必不成祇為亂階進不聽遂西召前將軍董卓屯關中

上林苑又使府掾太山王匡東發其郡強弩并召東郡
太守橋瑁屯城臯使武猛都尉丁原燒孟津火照城中

武猛謂有武勛而勇猛者取其嘉名因以名官也

皆以誅宦官為言太后猶不從苗謂進曰始共從南陽來俱以貧賤依省內以致貴富國家之事亦何容易覆水不收宜深思之且與省內和也進意更狐疑紹懼進變計乃脅之曰交構已成形勢已露事留變生將軍復欲何待而不早決之乎進於是以為司隸校尉假節專命擊斷從事中郎王允為河南尹紹使洛陽方略武吏司察宦者而促董卓等使馳驛上欲進兵平樂觀太后乃恐悉罷中常侍小黃門

使還里舍唯留進素所私人以守省中諸常侍小黃門
皆詣進謝罪唯所措置進謂曰天下匈匈正患諸君耳
今董卓垂至諸君何不早各就國袁紹勸進便於此決
之至于再三進不許紹又為書告州郡詐宣進意使捕
案中官親屬進謀積日頗泄中官懼而思變張讓子婦
太后之妹也讓向子婦叩頭曰老臣得罪當與新婦俱
歸私門唯受恩累世唯恩也今當遠離宮殿情懷戀戀願
復一入直得暫奉望太后陛下顏色然後退就溝壑死

不恨矣子婦言於舞陽君入白太后乃詔諸常侍皆復入直八月進入長樂白太后請盡誅諸常侍以下選三署郎入守宦官廬諸宦官相謂曰大將軍稱疾不臨喪不送葬今數入省數音物反許此意何為竇氏事竟復起邪

又張讓等使人潛聽具聞其語乃率常侍段珪畢嵐等數十人持兵竊自側闥入伏省中及進出因詐以太后詔召進入坐省間讓等詰進曰天下憤憤亦非獨我曹罪也說文曰憤亂也先帝嘗與太后不快幾至成敗陳留王協母王

美人何后鳩杖之帝怒欲廢后宦官固請得止我曹涕泣救解各出家財千萬

為禮和悅上意但欲託卿門戶耳今乃欲滅我曹種族不亦太甚乎卿言省內穢濁公卿以下忠清者為誰於是尚方監渠穆拔劖斬進於嘉德殿前讓珪等為詔以故太尉樊陵為司隸校尉少府許相為河南尹尚書得詔板疑之曰請大將軍出共議中黃門以進頭擲與尚書曰何進謀反已伏誅矣進部曲將吳匡張璋素所親幸在外聞進被害欲將兵入宮宮閣閉袁術與匡共斫

複音

攻之中黃門持兵守閭會日暮術因燒南宮九龍門及東西宮欲以脅出讓等讓等入白太后言大將軍兵反燒宮攻尚書闔因將太后天子及陳留王又劫省內官屬從複道走北宮福 尚書盧植執戈於閭道窗下仰數段珪段珪等懼乃釋太后太后投閭得免袁紹與叔父隗矯詔召樊陵許相斬之苗紹乃引兵屯朱雀闕下捕得趙忠等斬之吳匡等素怨苗不與進同心而又疑其與宦官同謀乃令軍中曰殺大將軍者即車騎也士

吏能為報讎乎進素有仁恩士卒皆流涕曰願致死匡
紹引兵與董卓弟奉車都尉是攻殺苗棄其屍於苑中
紹遂閉北宮門勒兵捕宦者無少長皆殺之或有無須
而誤死者至自發露然後得免者二千餘人○

劉放曰
案文少一

死字是時宦官死者二千餘人耳若無須
發露得免者二千人則死者何可勝計矣紹因進兵排

宮或上端門屋以攻省內張讓段珪等因迫遂將帝與
陳留王數十人步出穀門奔小平津穀門洛城北當中門也公卿
並出平樂觀無得從者唯尚書盧植夜馳河上王允遣

河南中部掾閔貢隨植後貢至手斬數人餘皆投河而死明日公卿百官乃奉迎天子還宮以貢為郎中封都亭侯董卓遂廢帝又迫殺太后殺舞陽君何氏遂亡而漢室亦自此敗亂

論曰竇武何進藉元舅之資據輔政之權內倚太后臨朝之威外迎羣英乘風之勢卒而事敗闔豎身死功頽為世所悲豈智不足而權有餘乎言智非不足權亦有餘蓋天敗也傳曰天之廢商久矣君將興之斯宋襄公所以敗於泓也

左傳曰楚伐宋宋公將戰子魚諫曰天之棄商久矣
公將興之不可宋公不從遂與楚戰大敗於泓也

贊曰武生蛇祥進自屠羊進本家子也惟女惟弟來儀紫房

上惛下嬖人靈動怨將糾邪慝以合人願道之屈矣代

離凶困也更

欽定四庫全書

卷九十九

後漢書卷九十九

後漢書卷九十九 考證

竇武傳太后先豫未忍○先字本或作宛誤先豫即无
豫也

何進傳詔使進弟河南尹苗出擊之○苗朱氏子五行
志作皇后異父兄朱苗

張讓段珪等因迫○何焯曰因疑作困

後漢書卷九十九考證

欽定四庫全書

後漢書卷一百

宋宣城太守范煜撰

唐章懷太子賢注

鄭孔荀列傳第六十

鄭太傳

鄭太字公業河南開封人司農衆之曾孫也

開封縣故城在今汴

州南少有才畧靈帝末知天下將亂陰交結豪桀家富於

財有田四百頃而食常不足名聞山東初舉孝廉三府辟公車徵皆不就及大將軍何進輔政徵用名士以公業為尚書侍郎續漢志曰尚書凡六曹侍郎三十六人
四百石一曹有六人主作文書起草

遷侍御史進將誅閹宦欲名并州牧董卓為助公業謂進曰董卓彊忍寡義志欲無厭若借之朝政授以大事借音子夜反將恣凶慾必危朝廷明公以親德之重據阿衡之權秉意獨斷誅除有罪誠不宜假卓以為資援也且事畱變生殷鑒不遠又為陳時務之所急數事進不能

用乃棄官去謂潁川人荀攸曰何公未易輔也進尋見
害卓果作亂公業等與侍中伍瓊卓長史何顥共說卓
以袁紹為勃海太守以發山東之謀及義兵起卓乃會
公卿議大發卒討之羣僚莫敢忤旨公業恐其衆多益
橫凶彊難制獨曰夫政在德不在衆也卓不悅曰如卿
此言兵為無用邪公業懼乃詭詞更對曰詭猶非謂無
用以為山東不足加大兵耳如有不信試為明公畧陳
其要今山東合謀州郡連結人庶相動非不強盛然光

武以來中國無警百姓優逸忘戰日久仲尼有言不教人戰是謂棄之其衆雖多不能為害一也明公出自西州少為國將閑習軍事數踐戰場名振當世人懷憚服二也袁本初公卿子弟生處京師張孟卓東平長者孟名坐不闢堂言不妄視也孔公緒孔丘清談高論噓枯吹生枯者噓之使生生者吹之使枯言談論有所抑揚也並無軍旅之才執銳之幹臨鋒決敵非公之儔三也山東之士素乏精悍悍勇也未有孟貴之勇慶忌之捷說苑曰孟貴水行不避蛟龍陸行不避虎狼發怒吐氣聲響動天許慎注

淮南子曰孟賁衛人也呂氏春秋曰孟賁過河先於其伍船人怒以楫撓其頭不知其孟賁故也中河孟賁瞋目視船人髮植目裂軒中人盡播入河慶忌吳王僚子也射之矢滿把不能中駟馬追之不能及聊城

之守史記燕將攻下聊城因保守之齊將田單攻之歲餘不下良平之謀可任以偏師責以成功四也就有其人而尊卑無序王爵不加若

恃衆怙力怙亦將各基峙峙止也○劉放曰案文基當作基謂如基不動作基無理

以觀成敗不肯同心共膽與齊進退五也關西諸郡頗

習兵事自頃以來數與羌戰婦女猶戴戟操矛挟弓負

矢扶持也況其壯勇之士以當妄戰之人乎其勝可必六

也且天下彊勇百姓所畏者有并涼之人

○劉攽曰案文多一有字

緣者字
生之及匈奴屠各湟中義從西羌八種

義從八種並見西羌傳

而明公擁之以為爪牙譬驅虎兕以赴犬羊七也又明

公將帥皆中表腹心周旋日久恩信淳著忠誠可任智

謀可恃以膠固之衆

膠亦固也當解合之執猶以烈風掃彼

枯葉八也夫戰有三亡以亂攻理者亡以邪攻正者亡

以逆攻順者亡今明公秉國平正討滅宦豎忠義克立

以此三德待彼三亡奉辭伐罪誰敢禦之九也東州鄭

玄學該古今

玄北海人
故云東州

北海邴原清高直亮

魏志原字
根矩北海

朱虛人也與管寧俱以操尚稱皆儒生所仰羣士楷式彼諸將若詢其

計畫足知彊弱且燕趙齊梁非不盛也終滅於秦吳楚

七國非不衆也卒敗滎陽

前書吳王濞楚王戊趙王遂淄川王賢濟南王辟光膠西

王印膠東王雄渠景帝三年反大將軍條侯周亞夫將兵破之滎陽

况今德政赫赫股肱惟良彼豈成其謀造亂長寇哉其不然十也若其所

陳少有可採無事徵兵以驚天下使患役之民相聚為

非棄德恃衆自虧威重卓乃悅以公業為將軍使統諸

軍討擊關東或說卓曰鄭公業智畧過人而結謀外寇
今資之士馬就其黨與竊為明公懼之卓乃收還其兵
留拜議郎卓既遷都長安天下饑亂士大夫多不得其
命而公業家有餘資日引賓客高會倡樂所贍救者甚
衆乃與何顥荀攸共謀殺卓事洩顥等被執公業脫身
自武關走東歸袁術術上以為揚州刺史未至官道卒
年四十二

孔融傳

孔融字文舉魯國人孔子二十世孫也七世祖霸為元

帝師位至侍中

前漢霸字次儒元帝師解見孔昱傳

父佃太山都尉融幼

有異才

融家傳曰兄弟七人融第六幼有自然之性年四歲時每與諸兄共食梨融輒引小者大人問

其故答曰我小兒法當取小者由是宗族奇之

年十歲隨父詣京師時河南尹

李膺

膺潁川襄城人融家傳曰聞漢中李公清節直亮意慕之遂造公門李固漢中人為太尉與此傳不

同以簡重自居不妄接士賓客外自非當世名人及

與通家皆不得白融欲觀其人故造膺門語門者曰我

是李君通家子弟門者言之膺請融問曰高明祖父嘗

與僕有恩舊乎融曰然先君孔子與君先人李老君同德比義而相師友家語曰孔子謂南宮敬叔曰吾聞老聃博古而達今通禮樂之源明道德之歸即吾之師也今將往矣遂至周問禮於老子焉則融與君累世通家衆坐莫不歎息太中大夫陳煥後至煥音于坐中以告煥煥曰夫人小而聰了大未必奇融應聲曰觀君所言將不早慧乎膺大笑曰高明必為偉器年十三喪父哀悴過毀扶而後起州里歸其孝性好學博涉多該覽山陽張儉為中常侍侯覽所怨覽為刊章下州郡以名捕儉刊削謂

削去告人姓名

○

劉攽曰正文案覽何能儉與融兄襄

刊章下州郡蓋是詔字張儉傳中可見也

襄有舊亡抵於襄不遇

抵歸也

融家傳

時融年十六儉少

之而不告融見其有窘色

窘迫也

謂曰兄雖在外吾獨不

能為君主邪因留舍之

舍止

後事泄國相以下密就掩

捕儉得脫走遂并收襄融送獄二人未知所坐融曰保

納舍藏者融也當坐之襄曰彼來求我非弟之過請甘

其罪吏問其母母曰家事任長妾當其辜一門爭死郡

縣疑不能決乃上讞之

前書音義曰讞請也

音宜傑反詔書竟坐襄焉

融由是顯名與平原陶邱洪陳留邊讓齊聲稱州郡禮
命皆不就辟司徒楊賜府時隱匿官僚之貪濁者將加
貶黜融多舉中官親族尚書畏迫內寵名掾屬詰責之
融陳對罪惡言無阿撓撓曲也音乃孝反河南尹何進當遷為
大將軍楊賜遣融奉謁賀進不時通融即奪謁還府投
効而去河南官屬恥之私遣劍客欲追殺融客有言於
進曰孔文舉有重名融家傳曰客言於進曰孔文舉於時英雄特傑譬諸物類猶衆星之有北辰百穀之有黍稷天下莫不屬目也將軍若造怨此人則四方之士引

領而去矣不如因而禮之可以示廣於天下進然之既

拜而辟融舉高第為侍御史與中丞趙舍不同託病歸家後辟司空掾拜中軍候○劉放曰案漢官無中軍候唯有北軍中候耳明字有誤

也在職三日遷虎賁中郎將會董卓廢立融每因對答輒有匡正之言以忤卓旨轉為議郎時黃巾寇數州而北海最為賊衝卓乃諷三府同舉融為北海相融到郡收合士民起兵講武馳檄飛翰引謀州郡賊張饒等羣輩二十萬衆從冀州還融逆擊為饒所敗乃收散兵保

朱盧縣稍復鳩集吏民為黃巾所誤者男女四萬餘人更置城邑立學校表顯儒術薦舉賢良鄭玄彭璆邴原等璆音巨反又音求郡人甄子然臨孝存知名早卒融恨不及

之乃命配食縣社其餘雖一介之善莫不加禮焉郡人無後及四方游士有死亡者皆為棺具而歛葬之時黃

巾復來侵暴融乃出屯都昌

都昌縣屬北海郡故城在今青州臨朐縣東北為

賊管亥所圍融逼急乃遣東萊太史慈求救於平原相

劉備

吳志慈字子義東萊人也避事之遼東北海相孔融聞而奇之數遣人訊問其母并致餉遺時融為

管亥所圍慈從遼東還母謂之曰汝與孔北海未嘗相見至汝行後瞻恤殷勤過於故舊今為賊所圍汝宜赴之慈單步見融既而求救備驚曰孔北海乃復知天下於劉備得兵以解圍焉

備驚曰孔北海乃復知天下

有劉備邪即遣兵三千救之賊乃散走時袁曹方盛而

融無所協附左丞黃祖者稱有意謀勸融有所結納融

知紹操終圖漢室不欲與同故怒而殺之融負其高氣

志在靖難而才疎意廣迄無成功

迄竟

在郡六年劉備

表領青州刺史建安元年為袁譚所攻自春至夏戰士

所餘裁數百人流矢雨集戈矛內接融隱几讀書

隱憑也莊

子曰南郭子慕隱几而坐談笑自若城夜陷乃奔山東妻子為譚所虜及獻帝都許徵融為將作大匠遷少府每朝會訪對融輒引正定議公卿大夫皆隸名而已說文云
隸附著初太傅

馬日磾奉使山東及至淮南數有意於袁術術輕侮之遂奪取其節求去又不聽因欲逼為軍師日磾深自恨

遂嘔血而斃

三輔決錄曰日磾字翁叔馬融之族子少傳業以才學進與楊彪盧植蔡邕等典

校中書歷位九卿遂登台輔獻帝春秋曰術從日磾借節觀之因奪不還條軍中十餘人使促辟之日磾謂術曰卿先代諸公辟士云何而言促之謂公府掾可劫得乎從術求去而術不遣既以失節屈辱憂恚及喪

還朝廷議欲加禮融乃獨議曰日磾以上公之尊秉髦

節之使銜命直指

直指無屈撓也前書有錦衣直指

寧輯東夏

輯和也

而

曲媚姦臣為所牽率章表署用輒使首名

所上章表及署補用皆以

日磾名附下罔上

前書曰附下罔上者刑

姦以事君

左傳叔向曰姦以事君者

吾所能禦昔國佐當晉軍而不撓

公羊傳曰鞌之戰齊師大敗齊侯使國佐如師郤克

曰與我紀侯之甗及魯衛之侵地使耕者東西其畝以蕭同叔子為質則吾舍子國佐曰與我紀侯之甗請諾使反魯衛之侵請諾使耕者東西其畝是則土齊也蕭同叔子者齊君母也齊君母猶晉君之母也曰不可請戰一戰而不勝請再戰再戰而不勝請三戰三戰而不勝則齊國盡子之有也何必蕭同叔子為質揖而去之

○劉攽曰注及魯衛之侵地使耕者東西其畝又云使反魯衛之侵請諾使耕者東西其畝案公羊本文及當作反又但云東其畝多西字下文又多一使字却少一地字及多一西字宜僚臨白刃而正色楚白公勝欲為亂謂石乞曰王卿士皆以五百人當之則可乞曰不可得也曰市南有熊相宜僚者若得言悅告之故辭承之以劍不動事見左傳王室大臣豈得以見脅為辭又袁術僭逆非一朝一夕日殫隨從周旋歷歲漢律與罪人交關三日已上皆應知情春秋魯叔孫得臣卒以不發揚襄仲之罪貶不書公羊傳曰叔孫得臣公羊傳曰不日者知公子遂欲殺君而為人臣知賊而不言明當誅也公子遂即襄仲也鄭人討

幽公之亂斲子家之棺

左傳鄭子家卒鄭人討幽公之亂斲子家之棺而逐其族杜預

注曰斲薄其棺不使從卿禮為其殺君故也

聖上哀矜舊臣未忍追案不宜

加禮朝廷從之而論者多欲復肉刑融乃建議曰古者

敦龐善否不別

左傳楚申叔時曰人生敦龐杜預注龐厚大也吏端刑清端直

政無過失百姓有罪皆自取之末世陵遲風化壞亂政

撓其俗法害其人故曰上失其道民散久矣而欲繩之

以古刑投之以殘棄

殘其支體而棄廢之

非所謂與時消息者也

易曰天地盈虛與時消息

紂斲朝涉之脰天下謂為無道

尚書曰紂斲朝涉之

脛孔安國注曰冬日見朝涉水者謂其脛耐寒斷而視之

涉

夫九牧之地千八百君

前書

賈山曰昔者周益千八百國以九州之人養千八百君也

若各刖一人是下常有千

八百紂也

○劉放曰案文少一天字

求俗休和弗可得已且被刑之

人慮不全生志在思死類多趨惡莫復歸正夙沙亂齊

左傳曰靈公廢太子光立公子牙使高厚傅牙夙沙衛為少傳崔杼逆光而立之是為莊公莊公以夙沙衛易

已衛奔高

伊戾禍宋

左傳楚客聘于晉過宋太子座知

唐以叛

之請野享之公使往伊戾請從遣

之至則坎用牲加書徵之馳而告曰太子將為亂既與楚客盟矣公使視之則信有焉公囚太子太子縊死公

徐聞其無罪乃烹伊戾

趙高英布為世大患

史記胡亥謂李斯曰高故宮人也遂專信

任之後殺李斯叔殺胡亥卒亡秦也前書黥布坐法黥論輸驪山亡之江中為羣盜及屬項羽常為先鋒陷陣後歸漢為九江王謀反誅之

不能止人遂為非也適足絕人還為善

耳雖忠如鬻拳

左傳初鬻拳彊諫楚子弗從臨之以兵懼而從之拳曰吾懼君以兵罪莫大焉

遂自刖楚人以為大閭君子曰鬻拳可謂愛君矣諫以自納於刑刑猶不忘納君於善

信如卞和

韓子曰楚人和氏得璞玉於楚山之中獻之武王武王使玉人相之曰石也王以和為謾已刖其左足及文王即位和又奉其璞玉人又曰石也又刖其右足文王薨成王即位和乃抱其璞而哭於楚山之下三日三夜泣盡而繼以血王使玉人攻璞而得寶焉荆王封和為陵陽侯和辭不就而去乃作怨歌琴操曰進寶得刑足離分兮去封立信守休芸兮斷者不續豈不冤兮智如孫臏史記孫臏與龐涓學兵法涓事魏惠王為

將軍自以不能及臘陰使召臘斷其兩足而黥之臘後入齊威王問兵法以為師魏與趙攻韓齊使田忌將而往龐涓聞去韓而歸臘謂田忌曰三晉之兵素悍勇而輕齊軍半至使齊軍入魏地為十萬竈明日為五萬竈明日為二萬竈龐涓行三日大喜曰我固知齊卒怯入吾地三日士卒亡者過半矣乃棄其步兵與其輕銳倍日并行逐之孫子度其行暮當至馬陵馬陵道狹旁多險阻可伏兵乃斫大樹白而書之曰龐涓死於此木下於是令齊軍曰善射者萬弩夾道而伏期日暮見火舉而俱發涓夜至斫木下見白書乃橫火燭之讀書未畢齊軍萬弩俱發魏軍大亂相失龐涓自知智窮兵敗遂自刭曰遂成豎子之名矣○劉攽曰注軍半至案史記到此遂成豎子之名矣又令齊軍曰善射案文多一曰字冤如巷彼文更有他語故末云軍半至今既節取不宜長此三字又令齊軍曰善射案文多一曰字冤如巷

伯毛茛注詩云巷伯內小臣也掌王后之命於宮中故謂之巷伯伯被讒將刑寺人孟子傷而作詩以刺幽

王才如史遷

李陵為匈奴敗馬遷明陵當必立功以報漢遂被下蠶室宮刑後乃著史記達

如子政

劉向字子政宣帝時上言黃金可成上令典尚方鑄作事費甚多方不驗乃下吏當死上奇其

才得踰冬減論班固云

向博物洽聞通達古今一離刀鋸沒世不齒國語中刑

是太甲之思庸

尚書太甲既立不明伊尹放諸桐三年復歸于亳思庸孔注曰念常道也

公之霸秦

秦穆使孟明白乙等伐鄭蹇叔諫不從晉襄公敗諸崤因孟明等後歸之穆公曰孤之罪

也夫子何罪復使為政

遂霸西戎事見左傳南睢之骨立衛武之初筵韓詩

之初筵衛武公飲酒悔過也言賓客初就筵之時賓主

秩秩然俱謹敬也賓既醉止載號載呶不知其為惡也

陳湯之都賴

前書湯字子公遷西域副校尉矯制發諸國兵斬郅支單于於都賴水上

魏尚

之守邊

文帝時尚為雲中守坐上首虜差六級下吏削爵趙人馮唐為郎為言文帝赦尚復為雲中守

也無所復施也漢開改惡之路凡為此也故明德之君

遠度深惟棄短就長不苟革其政者也朝廷善之卒不

改焉是時荊州牧劉表不供職貢多行僭偽遂乃郊祀

天地擬斥乘輿

斥指

詔書班下其事融上疏曰竊聞領

荊州牧劉表桀逆放恣所為不軌至乃郊祭天地擬儀

社稷雖昏僭惡極罪不容誅至於國體宜且諱之

體謂國家

之大體也何者萬乘至重天王至尊身為聖躬國為神器老子

曰天下神器
陞級縣遠祿位限絕

賈誼曰人主之尊譬
如堂羣臣如陛衆庶

如地故陞

乃九級上
廉遠地則高堂也

猶天之不可階日月之不可踰也

論語曰夫子之不可及也猶天之不可階而升也又曰仲尼如日月無得而踰焉

每有一賢臣

輒去圖之若形之四方非所以杜塞邪萌

形見也

愚謂雖

有重戾必宜隱忍賈誼所謂擲鼠忌器蓋謂此也

前書賈誼

曰里諺云欲投鼠而忌器此善諭也鼠近於器尚憚不投恐傷其器况乎貴臣之近主乎

是以齊兵

次楚唯責包茅

左傳齊桓伐楚責以包茅不入王祭不得供無以縮酒杜預注曰包裹束也茅菁

茅也束茅而灌之王師敗績不書晉人

公羊傳成公元以酒為縮酒也

于晉戎孰敗之蓋晉敗之曷為不言晉敗之王者無敵莫敢當也

前以露袁術之罪今復下劉表之事是使跋詳欲闢高岸天險可得而登也

史記李斯曰故城高五丈而樓季不輕犯也太山之高百仞而跋詳牧其上矣樓季而難五丈之限豈跋詳而易百仞之高哉峭漸之勢異也爾雅曰羊牸曰祥易曰天險不可升地險山川丘陵也案表跋屬

擅誅列侯遏絕詔命斷盜貢篚

鄭玄注儀禮曰篚竹器如筐也書曰厥篚玄纁

璣招呼元惡以自營衛專為羣逆主萃淵藪書曰今商組

為天下逋逃主萃淵藪孔注曰天下罪人逃亡者而紂為魁主窟聚泉府藪澤也

邵鼎在廟章

孰甚焉左傳取郜大鼎于宋戊申納于太廟臧哀伯諫曰君人者昭德塞違以臨照百官百官於是乎

戒懼部鴻在廟彰孰甚

桑落瓦解其勢可見

詩曰桑之落矣其黃

而臣愚以為宜隱郊祀之事以崇國防五年南陽王馮東

海王祇薨並獻

帝子

帝傷其早歿欲為修四時之祭以訪於

融融對曰聖恩敦睦感時增思悼二王之靈發哀愍之

詔稽度前典以正禮制竊觀故事前梁懷王臨江愍王

齊哀王臨淮懷王並薨無後同產昆弟即景武昭明四

帝是也

梁懷王相景帝弟也立十年薨臨江愍王榮武

帝兄也

為皇太子四歲廢為王坐侵廟墻地自

殺

齊懷王閑武

帝子昭帝異母兄立八年薨臣賢案齊

哀王悼惠王之子高帝之孫非昭帝兄弟當為懷王作

哀者誤也臨淮公衡明帝弟建武十五年立未及進爵為王而薨融家傳及本傳皆作公此為王者亦誤也

未聞前朝修立祭祀若臨時所施則不列傳紀臣愚以

為諸在沖齋聖慈哀悼禮同成人加以號謚者宜稱上

恩稱音反祭祀禮畢而後絕之至於一歲之限不合禮

意又違先帝已然之法所未敢處

處猶安也

初曹操攻屠鄴

城袁氏婦子多見侵畧而操子丕私納袁熙妻甄氏袁

傳熙紹之中子也甄氏中山無極人漢太保甄邯後也

父逸上蔡令魏畧曰熙出在幽州甄氏侍姑及鄴城破

文帝入紹舍后怖伏姑膝上帝令舉頭就視見其顏色非凡太祖聞其意為迎取之融乃與操書

稱武王伐紂以妲己賜周公

妲音丁未反又音旦紂之妃有蘇氏女也

毒虐衆庶武王剋殷斬妲己頭縣之於小旗以為紂之亡由此女也

出列女傳

操不悟後問

出何經典對曰以今度之想當然耳後操討烏桓

建安十三

年又嘲之曰大將軍遠征蕭條海外皆肅慎氏不貢楨

矢

國語曰昔武王剋商通于九夷百蠻於是肅慎氏貢石砮其長尺有咫肅慎國記曰肅慎氏其地在

夫餘

國北東濱大海魏畧曰挹婁一名肅慎氏說木也今遼左有楨木狀如荆葉如榆也

丁零

盜蘇武牛羊可并案也

山海經曰北海之內有丁零之國前書蘇武使匈奴單于徙北

海上丁零盜蘇武

牛羊武遂窮厄也時年飢兵興操表制酒禁融頻書爭

之多悔慢之辭

融集與操書云酒之為德久矣古先哲王類帝禋宗和神定人以濟萬國非酒

莫以也故天垂酒星之耀地列酒泉之郡人著旨酒之德堯不千鍾無以建太平孔非百觚無以堪上聖樊噲解卮鴻門非豕肩鍾酒無以奮其怒趙之虜養東迎其王非引卮酒無以激其氣高祖非醉斬白蛇無以暢其靈景帝非醉幸唐姬無以開中興袁盎非醇醪之力無以脫其命定國不酣飲一斛無以決其法故酈生以高陽酒徒著功於漢屈原不餚糟臠取困於楚由是觀之酒何負於政哉又書曰昨承訓答陳二代之禍及衆人之敗以酒亡者實如來誨雖然徐偃王行仁義而亡今令不絕仁義燕噲以讓失社稷今令不禁謙退魯因儒而損今令不棄文學夏商亦以婦人失天下今令不斷婚姻而將酒獨急者疑但惜穀耳非以亡王為戒也既見操雄詐漸著數不能堪故發辭偏宕多致乖忤偏

跌宕不
拘正理

又嘗奏宜準古王畿之制千里寰內不以封建

諸侯

周禮方千里曰國畿其外五里侯畿鄭玄注畿限也

操疑其所論建漸廣

益憚之然以融名重天下外相容忍而潛忌正議慮鯁

大業山陽郗慮

續漢書慮字鴻豫山陽高平人少受學於鄭玄虞浦江表傳曰獻帝嘗時見慮

及少府孔融問融曰鴻豫何所優長融曰可與適道未可與權慮舉笏曰融昔宰北海政散人流其權安在遂與融互相長短以至不穆曹操以書和解之慮從光祿勳遷御史大夫○劉攽曰注獻帝嘗時見慮案文時當

作特承望風旨以微法奏免融官因顯明讎怨操故書激厲融曰蓋聞唐虞之朝有克讓之臣

尚書曰舜以伯禹為司空禹讓稷契

暨臯陶以益為朕虞益讓于朱虎熊故麟鳳來而頌聲
羣以伯夷為秩宗伯夷讓于夔龍

作也史記白於是禹興九韶後世德薄猶有殺身為君

若齊孟陽代君居牀以待賊西破家為國若要離焚妻
漢紀信乘黃屋誑楚之類也子以徇吳李

通誅宗族以從漢之類也及至其敝睚眦之怨必讎一餐之惠必報

史記范睢一餐之德故龜錯念國遘禍於袁益景帝時
必償睚眦之怨必報錯為御

史大夫以諸侯國大請削其土吳楚七國反以誅錯為
名袁益素與錯不相善益乃進說請斬錯以謝七國景

帝遂斬屈原悼楚受譖於椒蘭屈平楚懷王時為三閭
錯也大夫秦昭王使張儀誦

詐懷王令絕齊交又誘請會武關平諫王不聽其言卒
客死於秦懷王子子椒子蘭讒之於襄王而放逐之見

史彭寵傾亂起自朱浮

朱浮與寵不相能數譖之光武寵遂反

鄧禹威損

失於宗馮

鄧禹征赤眉令宗欽馮愔守栒邑二人爭權相攻遂殺欽因反擊禹今流俗本宗誤作宋

也由此言之喜怒怨愛禍福所因可不慎與

余音皆廉藺

小國之臣猶能相下

趙惠文王與秦昭王會罷池歸拜藺相如為上卿位在廉頗右頗曰

吾不忍為之下必辱之相如每朝常避之頗聞之肉袒負荆謝之相與為刎頸之交事見史記寇賈倉

卒武夫屈節崇尚光武不問升伯之怨齊侯不疑射鉤

之虜

公子糾與桓公爭立管仲射桓公中鉤後桓公即位以管仲為相也

夫立大操者豈

累細故哉往聞二君有執法之平以為小介

介猶帶芥公法雖

平私情為
蒂芥者也當收舊好而怨毒漸積志相危害聞之慚然

中夜而起

失意貌也

音舞懲

昔國家東遷文舉盛歎鴻豫名實

相副綜達經學出於鄭玄又明司馬法

史記齊威王使大夫追論古者

司馬法其法論
田及兵之法也

鴻豫亦稱文舉竒逸博聞誠怪今者與

始相違孤與文舉既非舊好又於鴻豫亦無恩紀然願

人之相美不樂人之相傷是以區區思協歡好又知二

君羣小所構孤為人臣進不能風化海內退不能建德

和人然撫養戰士殺身為國破浮華交會之徒計有餘

矣融報曰猥惠書教

猥曲

告所不逮融與鴻豫州里比

鄰山陽與魯相鄰比

知之最早雖嘗陳其功美欲以厚於見私

信於為國不求其覆過掩惡有罪望不坐也前者黜退

懼欣受之昔趙宣子朝登韓厥夕被其戮喜而求賀

宣子

趙盾謚也國語曰宣子言韓厥於靈公以為司馬河曲之役趙宣子使人以其乘車干行韓厥執而戮之衆咸

曰韓厥必不沒矣其主朝升之而暮戮其車其誰安之宣子名而禮之謂諸大夫曰二三子可以賀我矣吾舉

厥也中吾乃今况無彼人之功而敢枉當官之平哉忠知免於罪矣

况無彼人之功而敢枉當官之平哉忠

非三閭

即屈原也掌王族三姓曰昭屈景故曰三閭

智非龜錯竊位為過免

罪為幸乃使餘論遠聞所以慙懼也朱彭寇賈為世壯士愛惡相攻能為國憂至於輕弱薄劣猶昆蟲之相齧適足還害其身夏小正云昆衆也卿子曰昆蟲亦有知誠無所至也晉侯

嘉其臣所爭者大而師曠以為不如心競左傳秦伯之弟鍊如晉脩

成叔向命召行人子員行人子朱曰朱也當御三云叔向不應子朱怒曰班爵同何以黜朱於朝撫劍從之

向曰秦晉不和久矣今日之事幸而集晉國賴之不集三軍暴骨子員道二國之言無私子常易之姦以事君者吾所能禦也拂衣從之人救之平公曰晉其庶乎吾臣之所爭者大師曠曰公室懼卑臣不心競而力争也性既遲緩與人無傷雖出胯下之負韓信貧賤淮陰少年侮之令信出胯

下榆次之辱

史記荆軻嘗游榆次與蓋聶論
劍蓋聶怒而目之荆軻出去

不知貶毀

之於已猶蚊虻之過也

蚊音文虻音蚩蛇蛇之暫過未以為害

子產謂人

心不相似左傳曰子產謂子皮曰人心不同其

如面焉吾豈敢謂子面如吾面乎

或矜執

者欲以取勝為榮不念宋人待四海之客大鑪不欲令

酒酸也

鑪累土為之以居酒瓮四邊隆起一面高如鋸
鑪故名鑪字或作壚韓子曰宋人有沽酒者斗

槩甚平遇客甚謹為酒甚美而酒不售酒酸者性其故
問所知閭長者楊倩二人曰汝狗猛耶曰狗猛何故不

售曰人畏焉令孺子懷錢挈壺往沽狗逆酰之酒所以酸而不售

至於屈穀巨瓠堅而

無竅當以無用罪之耳

韓子曰齊有居士田仲宋人屈穀往見之曰穀聞先生之義不

待仰人而食今穀有樹瓠之法堅如石厚而無竅頤獻先生田仲曰夫子徒謂我也凡貴於樹瓠者為可以盛也今厚而無竅則不可以盛物而任堅如石則不可以割而斟吾無以此瓠為也將棄之今仲不待仰人而食亦無益人國亦堅瓠之類它者奉尊嚴教不敢失陞郗為故吏融所推進趙衰之拔郤縠左傳晉文公謀元帥趙衰曰不輕郤縠可乃使郤縠將中軍公叔文子衛大夫其家臣名俱行與文子同升之於公與之並為大夫俱音士公叔之升臣也公叔文子衛大夫其家臣名俱行與文子同升之於公與之並為大夫俱音士眷反見知同其愛訓誨發中言曹公與己同愛郗慮雖故發於中心而訓誨懿伯之忌猶不得念禮記檀弓曰滕成公之喪使子叔敬叔弔子服惠伯為介及郊為懿伯之忌不入惠伯曰政也不可以叔父之私不將公事遂入鄭玄注曰懿伯惠伯之叔父也忌怨也况恃

舊交而欲自外於賢吏哉

賢吏謂處也

輒布腹心脩好如初

苦言至意終身誦之歲餘復拜太中大夫性寬容少忌

好士喜誘益後進及退閑職

太中大夫職在言議故云閑職

賓客日盈

其門常歎曰坐上客常滿尊中酒不空吾無憂矣與蔡

邕素善邕卒後有虎賁士貌類於邕

漢官典職儀曰虎賁中郎將主武貴

千五百人融每酒酣引與同坐曰雖無老成人且有典刑

大詩

雅曰雖無老成融聞人之善若出諸已言有可採必演
人尚有典刑也融聞人之善若出諸已言有可採必演

而成之面告其短而退稱所長薦達賢士多所獎進知

而未言以為已過故海內英俊皆信服之曹操既積嫌
忌而郗慮復構成其罪遂令亟相軍謀祭酒路粹典畧
字文蔚陳留人少學於蔡邕建安初以高第擢拜尚書郎後為軍謀祭酒與陳琳阮瑀等典記室融誅之後人觀粹所作無不嘉
其才而忌其筆也枉狀奏融曰少府孔融昔在北海見
王室不靜而招合徒衆欲規不軌云我大聖之後而見
滅於宋史記曰魯大夫孟釐子曰孔丘聖人之後滅於宋服虔注曰聖人謂商湯也孔子六代祖孔父嘉為宋華督所殺其子奔魯也有天下者何必卵金刀及與孫權使語
謗訕朝廷訕音所諫反訕謂譖毀也蒼頡篇曰訕非也又融為九列不遵朝

議禿巾微行

謂不加幘

唐突宮掖又前與白衣禰衡跌蕩放

言

跌蕩無儀檢也

云父之於子當有何親論其本意實為

情欲發耳子之於母亦復奚為譬如寄物瓶中

說文曰瓶正也

字書曰瓶似缶而高

出則離矣既而與衡更相贊揚衡謂融曰仲

尼不死融答曰顏回復生大逆不道宜極重誅書奏下

獄棄市時年五十六妻子皆被誅初女年七歲男年九

歲以其幼弱得全寄它舍二子方奕慕融被收而不動

左右曰父執而不起何也答曰安有巢毀而卵不破乎

主人有遺肉汁男渴而飲之女曰今日之禍豈得久活
何賴知肉味乎兄號泣而止或言於曹操遂盡殺之及
收至謂兄曰若死者有知得見父母豈非至願乃延頸
就刑顏色不變莫不傷之初京兆人脂習元升與融相
善每戒融剛直魏畧曰曹操為司空威德日盛融故以舊意書疏倨傲習常責融令改節融不從

之及被害許下莫敢收者習往撫尸曰文舉舍我死吾
何用生為操聞大怒將收習殺之後得赦出魏文帝深
好融文辭歎曰楊班儔也慕天下有上融文章者輒賞

以金帛所著詩頌碑文論議六言策文表檄教令書記

凡二十五篇文帝以習有樂布之節加中散大夫

前書曰樂

布梁人也為梁王彭越大夫使於齊未反漢誅
越梟首雒陽下布還奏事越頭下祠而哭之

論曰昔諫大夫鄭昌有言山有猛獸者藜藿為之不採

宣帝時司隸校尉蓋寬饒以直言得罪鄭昌愍傷寬饒忠直憂國以言事不當意而為文吏所詆挫故上書訟之是以孔父正色不容弑虐之謀公羊傳曰孔父正色而立于朝則人莫敢

過而致難於其君者孔平仲立朝有紓盜齊之望紓音父可謂義形於色矣盜齊謂田常也莊子曰田成子一旦弑齊君而盜其國左傳齊景公坐於路寢公歎曰美哉室其誰有

此乎晏子對曰如君之言其陳氏乎公曰是可若何對曰唯禮可以已之

若夫文舉之高志

直情其足以動義槩而忤雄心也故使移鼎之迹事

隔於人存

移鼎謂遷漢之鼎也人存謂曹操身在不得篡位也左傳曰桀有昏德鼎遷于商商紂暴

虐鼎遷

代終之規啓機於身後也代終謂代漢祚之終于周也身後謂曹丕受禪

也夫嚴氣正性覆折而已豈有員囷委屈可以每其生

哉

圓即利字音五丸反前書音義曰利謂利圓無稜角也每貪也言寧正直以傾覆摧折不能委曲以貪生

也賈誼曰懔懔焉皞皞焉其與琨玉秋霜比質可也

懔

言勁烈如秋霜也皞皞言堅貞如白玉也皞皞音古老反

荀彧傳

荀彧字文若

袁宏漢紀或作郁

潁川潁陰人朗陵令淑之孫也

朗陵縣屬汝南郡故城在今豫州朗山縣西南

父緼為濟南相

繼音古反

緼畏憚

宦官乃為彧娶中常侍唐衡女

典畧曰衡欲以女妻汝南傳公明公明不取轉

以妻或以少有才名故得免於譏議南陽何顥名知人

見彧而異之曰王佐才也中平六年舉孝廉再遷亢父

令亢父縣屬梁國故城在今充州任城縣南亢音剛父音甫董卓之亂棄官歸鄉里

同郡韓融時將宗親千餘家避亂密西山中

密縣西山也或

謂父老曰頽川四戰之地也

通也四面

天下有變常為兵衝

密雖小固不足以扞大難宜亟避之

亟音紀力反

鄉人多懷

土不能去會冀州牧同郡韓馥遣騎迎之或乃獨將宗

族從馥留者後多為董卓將李傕所殺畧焉或比至冀

州而袁紹已奪馥位紹待或以上賓之禮或明有意數

數計數也○劉攽曰案文但云明有意見漢室崩亂每
數不成文史筆不如此蓋有一聰字

見漢室崩亂每

懷匡佐之義時曹操在東郡或聞操有雄畧而度紹終

不能定大業初平二年乃去紹從操操與語大悅曰吾

子房也

比之以爲奮

武司馬時年二十九明年又爲操

鎮東司馬興平元年操東擊陶謙使或守甄城

縣名屬齊東郡

今濮州縣也

甄

任以留事會張邈陳宮以兗州反操

典畧

宮字公臺東郡人剛直烈壯少與海內知名之士皆相連結也

而潛迎呂布布既至諸

城悉應之邈乃使人誘或

誘詐

曰呂將軍來助曹使君

擊陶謙宜亟供軍實或知邈有變即勒兵設備故邈計

不行豫州刺史郭貢率兵數萬来到城下求見或或將

往東郡太守夏侯惇等止之

魏志曰惇字元讓沛國人

曰何知貢不

與呂布同謀而輕欲見之今君為一州之鎮往必危也
或曰貢與邈等分非素結今來速者計未必定及其猶
豫宜時說之縱不為用可使中立不令其有去就也若先懷疑

嫌彼將怒而成謀不如往也貢既見或無懼意知城不

可攻遂引而去或乃使程昱說范東阿魏志昱字仲德東郡東阿人范

縣屬東郡今濮陽縣也東使固其守卒全三城以待操

阿縣屬東郡今濟州縣也使固其守卒全三城以待操

焉三城謂甄范東阿也二年陶謙死操欲遂取徐州還定呂布或

諫曰昔高祖保關中高祖拒項羽常留蕭何守關中光武據河內皆深

根固本以制天下進可以勝敵退足以堅守故雖有困

敗而終濟大業將軍本以兗州首事故能平定山東

曹操

初從東郡守鮑信等迎領兗州牧遂進兵破黃巾等故能平定山東也○劉放曰注東郡守集文少一太字

此實天下之要地而將軍之關河也若不先定之根本
將何寄乎宜急分討陳宮使虜不得西顧乘其間而收
熟麥約食穡穀以資一舉則呂布不足破也今舍之而
東未見其便多留兵則力不勝敵少留兵則後不足固
布乘虛寇暴震動人心縱數城或全其餘非復已有則

將軍尚安歸乎且前討徐州威罰實行其子弟念父兄之恥必人自為守就能破之尚不可保彼若懼而相結共為表裏堅壁清野以待將軍將軍攻之不拔掠之無獲不出一旬則十萬之衆未戰而自困矣夫事固有棄彼取此以權一時之熟願將軍慮焉操於是大收熟麥復與布戰布敗走因分定諸縣兗州遂平建安元年獻帝自河東還洛陽操議欲奉迎車駕徙都於許衆多以山東未定韓暹楊奉負功恣睢恣睢肆怒貌睢音火季反又火佳反史記盜跖

日殺不辜 暴戾恣睢 未可卒制或乃勸操曰昔晉文公納周襄王

而諸侯景從

左傳卜偃言於晉侯曰求諸侯莫如勤王諸侯信之且大義也晉侯以左師逆王

入於王城取太叔於溫殺之於漢高祖為義帝縗素而隰城遂定霸業天下服從也

天下歸心

項羽殺義帝於郴高祖為義帝發喪高祖大哭發使告諸侯曰天下共立義帝北面事之

今項羽放殺義帝大逆無道 寡人親為發喪兵皆縗素

自天子蒙塵

蒙冒也左傳臧文仲曰天子蒙塵於外敢

不奔問官守 將軍首唱義兵徒以山東擾亂未遑遠赴雖禦難於外乃心無不在王室

尚書曰雖爾身在外乃心無不在王室乃

汝也今鑾駕旋軫鄭立注周禮曰輶輿後橫木也東京榛蕪義士有存本

之思兆人懷感舊之哀誠因此時奉主上以從人望大順也秉至公以服天下大略也扶弘義以致英雄大德也四方雖有逆節其何能為韓暹楊奉安足恤哉若不時定使豪桀生心後雖為慮亦無及矣操從之及帝都許以或為侍中守尚書令操每征伐在外其軍國之事皆與或籌焉或又進操計謀之士從子攸

魏志荀攸字公達太祖素

聞攸名與語大悅謂或曰公達非

常人吾得與計事天下當何憂哉

及鍾繇郭嘉

魏志嘉字奉孝

賴川人也戲志才籌畫士也太祖甚器之早卒大祖與或書曰自志才亡後莫可與計事者汝賴固多奇士誰

可以繼之或薦嘉召見論天下事

事

太祖曰使孤成大業者必此人也

陳羣杜襲

襲字子緒

頴川人荀

彧

或薦襲太祖以為丞相

軍

謀祭酒魏國建為侍中

司馬懿

志才等

懿字仲達

即晉宣帝

皆稱其舉唯嚴象為揚州

三輔決錄

曰象字文則

京兆

人少聰博有膽智為揚州刺

史

後為孫策廬江

太守李術所殺

韋康為涼州

後並負敗焉

康字元將

京兆人父

端從涼州牧徵為太僕康代為涼州刺史時人榮之

後為馬超所圍堅守歷時救軍不至遂為超所殺

袁紹既兼河朔之地有驕氣而操敗於張繡

魏志張繡在

南陽降既而

悔之而復反操與戰

紹與操書甚倨

陳琳為紹作檄書

曰操祖父騰號

贊

放橫父嵩乞匄

攜養操贊

闇遺醜並倨慢之詞也

操大怒欲先攻之而患力不

敵以謀於或或量紹雖強終為操所制乃說先取呂布
然後圖紹操從之三年遂擒呂布定徐州五年袁紹率
大眾以攻許操與相距紹甲兵甚盛議者咸懷惶懼少
府孔融謂或曰袁紹地廣軍彊田豐許攸智計之士為
其謀先賢行狀豐字元皓鉅鹿人天姿壞傑權略多奇許攸字子遠審配逢紀盡忠之臣任其事
配字正南魏郡人忠烈慷慨有不可犯之色紹領冀州委配腹心之任英雄記曰紀字元圖初紹去董卓與許攸及紀俱詣冀州紹以紀聰達有計策甚信之
顏良文醜勇冠三軍統其兵殆難克乎或曰紹兵雖多而法不整田豐剛而

犯上許攸貪而不正審配專而無謀逢紀果而自用顏

良文醜匹夫之勇可一戰而擒也後皆如或之籌事在

袁紹傳操保官度

官度即古之鴻溝也於滎陽下引河東南流其所保處在今鄭州中牟縣

北官度是也與紹連戰雖勝而兵糧方盡書與或議欲還許

以致紹師

致猶至也兵法曰善戰者致人不致於人

或報曰今穀食雖少未

若楚漢在滎陽成臯間也是時劉項莫肯先退者以為

先退則執屈也

高祖與項羽於滎陽成臯間久相持不決後羽請鴻溝以西為漢而退高祖遂

乘羽敗之拔下追殺之

公以十分居一之衆

言與紹衆寡相懸也

畫地而守

之言畫地作限隔也鄭音陽曰畫地而不敢犯

厄搘謂捉其喉而不得進已半年矣

搘音

情見竭必將有變此用奇之時不可失也持之也

操從之乃堅壁持之遂以奇兵破紹紹退走封或萬歲

亭侯邑一千戶六年操以紹新破未能為患但欲留兵

衛之自欲南征劉表以計問或或對曰紹既新敗衆懼

人擾今不因而定之而欲遠兵江漢若紹收離糾散合

也乘虛以出則公之事去矣操乃止九年操拔鄴自領

冀州牧有說操宜復置九州者以為冀部所統既廣則

天下易服操將從之或言曰今若依古制是為冀州所
統悉有河東馮翊扶風西河幽并之地也公前屠鄴城
海內震駭各懼不得保其土宇守其兵衆今若一處被
侵必謂以次見奪人心易動若一旦生變天下未可圖
也願公先定河北然後修復舊京南臨楚郢責王貢之
不入天下咸知公意則人人自安須海內大定乃議古
制此社稷長久之利也操報曰微足下之相難所失多
矣遂寢九州議十二年操上書表或曰昔袁紹作逆連

兵官度時衆寡糧單圖欲還許尚書令荀或深建宜往之便遠恢進討之略恢大起發臣心革易愚慮堅營固

守徼其軍實

微邀也
古充反

遂摧撲大寇濟危以安紹既破

敗臣糧亦盡將舍河北之規改就荆南之策或復備陳

得失用移臣議故得反旆冀土

左傳南轍反旆杜預曰軍門前大旆

克平

四州

謂冀青幽并也

向使臣退軍官度紹必鼓行而前

鼓行謂鳴鼓而

行言無所畏也敵人懷利以自百各規利人臣衆怯沮以喪氣

沮止

有必敗之形無一捷之勢

捷勝

復若南征劉表委

棄充豫飢軍深入踰越江沔

沔即漢水也孔安國曰漢上為沔

利既難

要將失本據而或建二策以亡為存以禍為福謀殊功

異臣所不及是故先帝貴指縱之功薄搏獲之賞

搏擊也高

祖既殺項羽論功行封以蕭何為最功臣多不服高祖云諸君知獵乎夫獵追殺獸者狗也而發縱指示獸者

人也諸君徒能追得獸耳功狗也至如蕭何發指示功人也縱或作縱兩通○劉攽曰注蕭何發指示案文少一縱

古人尚帷幄之規下攻拔之力

張良未嘗有獸鬪字功高帝曰運策帷

幄中決勝千里外子房功也自擇齊三萬戶以封之原其績効足享高爵而海內

未喻其狀所受不侔其功侔等臣誠惜之乞重平議增

疇戶邑

前書曰復其後代疇其爵邑音義曰疇等也使其後常與先人等也或深辭讓操

捨之曰昔介子推有言竊人之財猶謂之盜

左傳介子推晉文公

臣况君奇謀拔出興亡所係可專有之邪

據不專功欲分功於或也

雖慕魯連沖高之迹

史記曰趙欲尊秦為帝魯連止之平原君乃欲封魯連連笑曰所貴

於天下之士為人排患釋難解紛而無取也即有取者是商賈之士也

而連不忍為也

將為聖人

達節之義乎

左傳曰聖達節次守節

於是增封千戶并前二十戶

又欲授以正司

或先守尚書令今欲正除也

或使荀攸深自陳讓至

于十數乃止操將伐劉表問彧所策彧曰今華夏以平

荆漢知亡矣可聲出宛葉而間行輕進以掩其不意操

從之會表病死

魏志操如或計表子琮以州逆降

十七年董昭等

昭字公仁

濟陰欲共進操爵國公九錫備物

禮舍文嘉曰九錫曰車馬二曰衣服三

曰樂器四曰朱戶五曰納陛六曰虎賁百人七曰斧鉞八曰弓矢九曰秬鬯謂之九錫錫與也九錫皆如其德

左傳曰分魯公以大輅大旛夏后氏之璜封谷父之繁弱祝宗卜史備物典策密以訪或或曰

曹公本興義兵以匡振漢朝雖勳庸崇著猶秉忠貞之

節君子愛人以德不宜如此事遂寢

禮記曰君子之愛人也以德細人之

愛人也以姑息也操心不能平會南征孫權表請或勞軍于譙

因表留或曰臣聞古之遣將上設監督之重下建副二

之任

史記齊景公以田穰苴為將軍杆燕苴曰臣素卑賤擢之間伍之中加之大夫之上士卒未附百姓不信權輕願得君之寵臣國之所尊以監軍

乃可景公許之使莊賈往即監督之義也所以尊嚴

國命謀而鮮過者也

左傳曰謀而鮮過惠訓不倦

臣今當濟江奉辭

伐罪宜有大使肅將王命文武並用自古有之使持節

侍中守尚書令萬歲亭侯或國之重臣德洽華夏既停

軍所次便宜與臣俱進宣示國命威懷醜虜軍禮尚速

不及先請臣輒留或依以為重書奏帝從之遂以或為

侍中光祿大夫持節參丞相軍事至濡須

濡須水名也
在今和州歷

陽縣

西南吳錄曰孫權聞操來夾水或病留壽春縣屬

立塢

狀如偃月以抗拒月餘乃退

或病留壽春縣屬

淮南郡

今操饋之食發視之乃空器也於是飲藥而卒

時年五十

獻帝春秋董承之誅伏后與父完書言司空殺董承帝方為報怨完得書以示或或惡之

隱而不言完以示其妻弟樊普普封以呈太祖太祖陰為之備或恐事覺欲自發之因求使至鄴勸太祖以女配帝太祖曰今朝廷有伏后吾女何得配上或曰伏后無子性又凶邪往嘗與父書言辭醜惡可因此廢也太祖曰卿昔何不道之或陽驚曰昔已嘗為公言也太祖曰此豈小事而吾忘之太祖以此恨或而外含容之至董昭建魏公議或意不同欲言之於太祖乃齎璽書囑軍飲享禮畢或請問太祖知或欲言揖而遣之遂不得

留之卒於壽春。帝哀惜之，祖日為之廢讌樂。俗通曰共工氏之子曰修，好遠遊祀以為祖神。漢以午日祖，謚曰敬侯。明年操遂稱

魏公云

論曰：自遷帝西京山東，騰沸

詩曰百川沸騰

天下之命倒懸矣。

趙岐注孟子曰：倒懸猶困苦也。苟君乃越河冀間關以從曹氏。

間關猶展轉也。

察其定舉措立言策，措置也。崇明王略以急國難，豈云因

亂假義以就違正之謀乎？言或本心不背漢也。誠仁為已任，期紓

人於倉卒也。紓緩也。及阻董昭之議，以致非命，豈數也？

音舒

夫世言荀君者通塞或過矣常以為中賢以下道無求

備智筭有所研疎原始未必要末斯理之不可全詰者

也夫以衛賜之賢一說而斃兩國

兩國謂齊與吳也
木賜字子貢衛人也

田常欲伐魯仲尼令出使勸田常伐吳常許之賜又至吳請夫差伐齊又之越說勾踐將兵助吳又之晉說以兵待吳伐齊之弊吳既勝齊與晉爭強晉果敗吳越襲其後遂殺夫差故子貢一出存魯亂齊破吳強晉霸越彼非薄於仁而欲之蓋有全必有喪也斯又功之不兼者也

子貢不欲違仁義而致晉但其事不兼濟也

方時

運之屯遭

易曰屯如遭如音竹連反

非雄才無以濟其溺功高執

彊則皇器自移矣

謂魏太祖功業大而神器自歸也

此又時之不可並

也蓋取其歸正而已亦殺身以成仁之義也

贊曰公業稱豪駿聲升騰權詭時逼

謂詭辭以對卓揮金僚朋

擇數

北海

天逸

音情頓挫

逸縱也頓挫

越俗易驚孤音

少和直

轡安

歸高謀

誰佐

直轡直道也言其道無所歸

謀謨

之高竟

誰佐也

或

之有弼誠感國疾功申運改迹疑心一

迹若可疑心如一也

後漢書卷一百考證

孔融傳拜中軍候○刊誤補遺曰郭仲奇碑額云北軍
中候祝睦碑云北軍軍中候然仲奇碑中但云拜軍
中候不言北軍與額不同郭究碑亦但以軍中稱之
者蓋當時官稱所尚如此北海傳當云軍中候其文
倒耳無脫字也中候自中興以來始有北軍軍中候
之稱其辭或省則曰北軍中候軍中候云

後漢書卷一百考證

欽定四庫全書

史部

後漢書卷一百一至三

詳校官侍講臣王燕緒
洗馬臣王坦修覆勘

覆校官學正臣徐立綱

校對官典簿臣劉光第

贍錄監生臣王寶唐

贍錄監生臣陸紹臺

欽定四庫全書

後漢書卷一百一

宋宣城太守

范煜撰

唐章懷太子

子賢注

皇甫嵩朱雋列傳第六十一

皇甫嵩

皇甫嵩字義真安定朝那人度遼將軍規之兄子也父節廄門太守嵩少有文武志介好詩書習弓馬初舉孝

廉茂才

續漢書曰舉孝廉爲郎中遷霸陵臨汾令以父喪遂去官

太尉陳蕃大將軍

竇武連辟並不到靈帝公車徵為議郎遷北地太守初

鉅鹿張角自稱大賢良師

良或作郎

奉事黃老道畜養弟子

跪拜首過

首音反

符水呪說以療病病者頗愈百姓信

向之角因遣弟子八人使於四方以善道教化天下轉

相誑惑十餘年間衆徒數十萬連結郡國自青徐幽冀

荆揚兗豫八州之人莫不畢應遂置三十六方方猶將

軍號也大方萬餘人小方六七千各立渠帥訛言蒼天

已死黃天當立歲在甲子天下大吉以白土書京城寺
門及州郡官府皆作甲子字中平元年大方馬元義等
先收荆揚數萬人期會發於鄴元義數往來京師以中
常侍封諱徐奉等為內應約以三月五日內外俱起未
及作亂而張角弟子濟南唐周上書告之於是車裂元
義於洛陽靈帝以周章下三公司隸使鈎盾令周斌將
三府掾屬案驗宮省直衛及百姓有事角道者誅殺千
餘人推考冀州逐捕角等角等知事已露晨夜馳勅諸

方一時俱起皆著黃巾為標幟

幟音尺志
反又音試

時人謂之黃

巾亦名為蛾賊

蛾音魚綺反即蟻字也
諭賊衆多故以為名

殺人以祠天角

稱天公將軍角弟寶稱地公將軍寶弟梁稱人公將軍

所在燔燒官府劫畧聚邑州郡失據長吏多逃亡旬日

之間天下嚮應京師震動詔勅州郡脩理攻守簡練器

械自函谷大谷廣成伊闕轘轅旋門孟津小平津諸關

並置都尉

大谷轘轅在洛陽東南旋門在汜水之西

召羣臣會議嵩以為宜

解黨禁益出中藏錢西園廄馬以班軍士帝從之於是

發天下精兵博選將帥以嵩為左中郎將持節與右中郎將朱雋共發五校三河騎士及募精勇合四萬餘人嵩雋各統一軍共討潁川黃巾雋前與賊波才戰戰敗嵩因進保長社波才引大衆圍城嵩兵少軍中皆恐乃召軍吏謂曰兵有奇變不在衆寡孫子兵法曰凡戰者以正合以奇勝者也故善出奇無窮如天地無竭如江海戰勢不過奇正奇正之變不可勝也今賊依草結營易為風火若因夜縱燒必大驚亂吾出兵擊之四面俱合田單之功可成也

田單為齊將守即墨城燕師攻城田單取牛千頭衣以五采束矛盾於其

角繫火於其尾穿城而出城上大譟燕師大敗事見史記

士皆束首乘城音巨說使銳士間出圍外縱火大

云束葦燒之

丈

呼城上舉燎應之嵩因鼓而奔其陳賊驚亂奔走會帝

遣騎都尉曹操將兵適至嵩操與朱雋合兵更戰大破

之斬首數萬級封嵩都鄉侯嵩雋乘勝進討汝南陳國

黃巾追波才於陽翟擊彭脫於西華並破之西華屬汝南餘

賊降散三郡悉平又進擊東郡黃巾卜巳於倉亭生禽

卜巳斬首七千餘級時北中郎將盧植及東中郎將董

卓討張角並無功而還乃詔嵩進兵討之嵩與角弟梁

戰於廣宗

今貝州
宗城縣

梁衆精勇嵩不能尅明日乃閉營休

士以觀其變知賊意稍懈乃潛夜勒兵雞鳴馳赴其陳

戰至晡時大破之斬梁獲首三萬級赴河死者五萬許

人焚燒車重三萬餘兩悉虜其婦子擊獲甚衆角先以

病死乃剖棺戮屍傳首京師嵩復與鉅鹿太守馮翊郭

典攻角弟寶於下曲陽又斬之首獲十餘萬人築京觀

於城南

杜元凱注左傳曰積尸
封土於其上謂之京觀

即拜嵩為左車騎將軍

領冀州牧封槐里侯食槐里羨陽兩縣

並屬扶風

合八千戶

以黃巾既平故改年為中平嵩奏請冀州一年田租以

贍饑民帝從之百姓歌曰天下大亂嵩市為墟母不保

子芳妻失夫賴得皇甫芳復安居嵩溫卹士卒甚得衆

情每軍行頓止須營幔脩立然後就舍帳軍士皆食已

乃嘗飯吏有因事受賂者嵩更以錢物賜之吏懷慙或

至自殺嵩既破黃巾威震天下而朝政日亂海內虛困

故信都令漢陽閻忠干說嵩曰

干謂
冒進

難得而易失者時

也時至不旋踵者幾也故聖人順時以動智者因幾以
發今將軍遭難得之運蹈易駭之機而踐運不撫臨機
不發將何以保大名乎嵩曰何謂也忠曰天道無親百
姓與能今將軍受鉞於暮春收功於末冬老子曰天道
無親常與善
人易曰人謀鬼謀百姓與能淮南子曰九
命將王親授鉞曰從此上至天將軍制之兵動若神謀
不再計摧強易於折枯消堅甚於湯雪旬月之間神兵
電埽封尸刻石南向以報威德震本朝風聲馳海外雖
湯武之舉未有高將軍者也今身建不賞之功體兼高

人之德而北面庸主何以求安乎嵩曰夙夜在公心不忘忠何故不安忠曰不然昔韓信不忍一餐之遇而棄

三分之業利劒已揣其喉方發悔毒之歎者機失而謀

乖也

前書項羽使武涉說韓信信曰漢王解衣衣我推食我背之不祥又蒯通說信令信背漢參分天下

鼎足而立信曰漢王遇我厚豈可背之哉後信謀反為呂后所執歎曰吾不用蒯通計為女子所詐豈非天哉

今主上執弱於劉項將軍權重於淮陰指麾足以振

風雲叱咤可以興雷電麾即麾字古通用叱咤怒聲也赫然奮發因危

抵頽

抵音紙擊也

崇恩以綏先附振武以臨後服徵冀方之

士動七州之衆羽檄先馳於前大軍響振於後蹈流漳
河飲馬孟津誅閹宦之罪除羣凶之積雖僮兒可使奮
拳以致力女子可使褰裳以用命况厲熊羆之卒因迅
風之執哉功業已就天下已順然後請呼上帝示以天
命混齊六合南面稱制移寶器於將興寶器猶神器也謂天位也推
亡漢於已墜實神機之至會風發之良時也夫旣朽不
雕哀世難佐若欲輔難佐之朝雕朽敗之木是猶逆坂
走丸迎風縱棹豈云易哉且今豎宦羣居同惡如市

左氏

傳韓宣子曰同惡上命不行權歸近習昏主之下難以
相求如市賈焉

久居史記范蠡曰大名下難以久居不賞之功讒人側目如不早圖

後悔無及嵩懼曰非常之謀不施於有常之軌創圖大

功豈庸才所致黃巾細孽敵非秦項新結易散難以濟

業且人未忘主天不祐逆若虛造不冀之功以速朝夕

之禍孰與委忠本朝守其臣節雖云多讒不過放廢猶

有令名死且不朽二句皆左傳之辭反常之論所不敢聞忠知

計不用因亡去

英雄記曰梁州賊王國等起兵劫忠為主統三十六郡號車騎將軍忠感慨發

死病

會邊章韓遂作亂隴右明年春詔嵩迴鎮長安以衛
園陵章等遂復入寇三輔使嵩因討之初嵩討張角路
由鄴見中常侍趙忠舍宅踰制乃奏沒入之又中常侍
張讓私求錢五千萬嵩不與二人由此為憾奏嵩連戰
無功所費者多其秋徵還收左車騎將軍印綬削戶六
千更封都鄉侯二千戶五年梁州賊王國圍陳倉復拜
嵩為左將軍督前將軍董卓各率二萬人拒之卓欲速
進赴陳倉嵩不聽卓曰智者不後時勇者不留決速救

則城全不救則城滅全滅之執在於此也嵩曰不然百戰百勝不如不戰而屈人之兵是以先為不可勝以待敵之可勝不可勝在我可勝在彼彼守不足我攻有餘

孫子

有餘者動於九天之上不足者陷於九地之下

孫子

兵法曰善守者藏於九地之下善攻者動於九天之上
亥女三宮戰法曰行兵之道天地之寶九天九地各有
表裏九天之上六甲子也九地之下六癸酉也子能順之萬全可保今陳倉雖小城守固
備非九地之陷也王國雖強而攻我之所不救非九天
之執也夫執非九天攻者受害陷非九地守者不拔國

今已陷受害之地而陳倉保不拔之城我可不煩兵動

衆而取全勝之功將何救焉遂不聽王國圍陳倉自冬

迄春八十餘日城堅守固竟不能拔賊衆疲敝果自解

去嵩進兵擊之卓曰不可兵法窮寇勿追歸衆勿迫

兵法之言今我追國是迫歸衆追窮寇也困獸猶鬪蜂薑有

皆左氏傳文毒况大衆乎嵩曰不然前吾不擊避其銳也今

而擊之待其衰也所擊疲師非歸衆也國衆且走莫有

鬪志以整擊亂非窮寇也遂獨進擊之使卓為後拒連

戰大破之斬首萬餘級國走而死卓大慙恨由是忌嵩
明年卓拜為并州牧詔使以兵委嵩卓不從嵩從子酈
酈音歷時在軍中說嵩曰本朝失政天下倒懸能安危定
傾者唯大人與董卓耳今怨隙已結孰不俱存卓被詔

委兵而上書自請此逆命也又以京師昏亂躊躇不進
此懷姦也且其凶戾無親將士不附大人今為元帥杖
國威以討之上顯忠義下除凶害此桓文之事也嵩曰
專命雖罪專誅亦有責也春秋左氏傳曰稟命則不威專命則不孝不如顯

奏其事使朝廷裁之於是上書以聞帝讓卓卓又增怨
於嵩及後秉政初平元年乃徵嵩為城門校尉因欲殺
之嵩將行長史梁衍說曰漢室微弱閭豎亂朝董卓雖
誅之而不能盡忠於國遂復寇掠京邑廢立從意今徵
將軍大則危禍小則困辱今卓在洛陽天子來西以將
軍之衆精兵三萬迎接至尊奉令討逆發命海內徵兵
羣帥袁氏逼其東將軍迫其西此成禽也嵩不從遂就
徵有司承旨奏嵩下吏將遂誅之嵩子堅壽與卓素善

自長安亡走洛陽歸投於卓卓方置酒歡會堅壽直前質讓責以大義

質正也

叩頭流涕坐者感動皆離席請之

卓乃起牽與共坐使免嵩囚復拜嵩議郎遷御史中丞

及卓還長安公卿百官迎謁道次卓風令御史中丞以

下皆拜以屈嵩

風音諷動也

謂旣而抵手言曰義真犧未乎

犧音服

說文曰犧牛乘馬犧古

服字今河朔人猶有此言音備

嵩笑而謝之卓乃解釋

獻帝春秋曰初卓為前將軍嵩為左將軍俱征邊章韓遂爭雄及嵩拜車下卓曰可以服未嵩曰安知明公乃

至於是卓曰鴻鵠固有遠志但燕雀自不知耳嵩乃曰昔與明公俱為鴻鵠但明公今日變為鳳凰耳及卓

被誅以嵩為征西將軍又遷車騎將軍其年秋拜太尉

冬以流星策免

續漢書曰以日有重珥免

復拜光祿大夫遷太常尋

李傕作亂嵩以病卒贈驃騎將軍印綬拜家一人為郎

嵩為人愛慎盡勤

○劉放當是畏字勤又當在盡字上

前後

上表陳諫有補益者五百餘事皆手書毀草不宣于外

又折節下士門無留客

言汲之速引

時人皆稱而附之堅壽

亦顯名後為侍中辭不拜病卒

朱雋

朱雋字公偉會稽上虞人也少孤母常販繒為業雋以孝養致名為縣門下書佐好義輕財鄉間敬之時同郡周規辟公府當行假郡庫錢百萬以為冠幘費而後倉卒督責規家貧無以備雋乃竊母繒帛為規解對
對雋為備錢
錄占
以解其事規被母既失產業深恚責之雋曰小損當大益

初貧後富必然理也本縣長山陽度尚見而竒之薦於太守韋毅稍歷郡職後太守尹端以雋為主簿熹平二年端坐討賊許昭失利為州所奏罪應棄市雋乃羸服

間行輕齋數百金到京師賂主章吏遂得刊定州奏故
端得輸作左校端喜於降免而不知其由雋亦終無所
言後太守徐珪舉雋孝廉再遷除蘭陵令政有異能為
東海相所表會交趾部羣賊並起牧守輒弱不能禁又
交趾賊梁龍等萬餘人與南海太守孔芝反叛攻破郡
縣光和元年即拜雋交趾刺史令過本郡簡募家兵及
所調家兵童僕之屬
謂調發之合五千人分從兩道而入既到州
界按甲不前先遣使詣郡觀賊虛實宣揚威德以震動

其心既而與七郡兵俱進逼之遂斬梁龍降者數萬人
旬月盡定以功封都亭侯千五百戶賜黃金五十斤徵
為諫議大夫及黃巾起公卿多薦雋有才畧拜為右中
郎將持節與左中郎將皇甫嵩討潁川汝南陳國諸賊
悉破平之嵩乃上言其狀而以功歸雋於是進封西鄉
侯遷鎮賊中郎將時南陽黃巾張曼成起兵稱神上使
衆數萬殺郡守褚裒屯宛下百餘日後太守秦頡擊殺
曼成賊更以趙弘為帥衆浸盛遂十餘萬據宛城雋與

荊州刺史徐璆及秦頡合兵萬八千人圍弘自六月至

八月不拔有司奏欲徵雋司空張溫上疏曰昔秦用白

起燕任樂毅皆曠年歷載乃能克敵

史記曰白起郿人也善用兵事秦昭

王為大良造攻魏拔之後五年攻趙拔光狼城後七年
攻楚拔郢鄖五城明年拔郢燒夷陵遂東至竟陵樂毅
趙人也賢而好兵燕昭王以為亞卿後為上將軍伐齊入臨淄徇齊五歲下齊七十餘城雋討潁川

已有功效引師南指方畧已設臨軍易將兵家所忌宜

假日月責其成功靈帝乃止雋因急擊弘斬之賊餘帥

韓忠復據宛拒雋雋兵少不敵乃張圍結壘起土山以

臨城內因鳴鼓攻其西南賊悉衆赴之雋自將精卒五千掩其東北乘城而入忠乃退保小城惶懼乞降司馬張超及徐璆秦頡皆欲聽之雋曰兵有形同而執異者昔秦項之際民無定主故賞附以勸來耳今海內一統唯黃巾造寇納降無以勸善討之足以懲惡今若受之更開逆意賊利則進戰鈍則乞降縱敵長寇非良計也因急攻連戰不尅雋登土山望之顧謂張超曰吾知之矣賊今外圍周固內營逼急乞降不受欲出不得所以

死戰也萬人一心猶不可當况十萬乎其害甚矣不如
徹圍并兵入城忠見圍解執必自出自出則意散易破
之道也旣而解圍忠果出戰雋因擊大破之乘勝逐北
數十里斬首萬餘級忠等遂降而秦頡積忿忠遂殺之
餘衆懼不自安復以孫夏為帥還屯宛中雋急攻之夏
走追至西鄂精山又破之西鄂故城在今鄧州向城縣南精山在其南復斬
萬餘級賊遂解散明年春遣使者持節拜雋右車騎將
軍振旅還京師以為光祿大夫增邑五千更封錢塘侯

錢塘今杭州縣也。錢塘記云：昔郡議，曹華信義立此塘，以防海水始開募有能致土石一斛與錢一千旬日之間來者，雲集塘未成而謫不復取，皆遂棄土石而去。塘以之成也。○劉攽曰：注華信義立此塘案文義當作議。

加位特進以母喪去官起家復為將作大匠轉少府太

僕自黃巾賊後復有黑山黃龍白波左校郭大賢于氏

根青牛角張白騎劉石左鬚丈八平漢大計司隸掾哉

九州春秋大計作
大洪掾哉作緣成

雷公浮雲飛燕白雀楊鳳于毒五鹿

李大目白繞畦固罟哂之徒

九州春秋哂作
蝤音才由反

並起山谷

間不可勝數其大聲者稱雷公騎白馬者為張白騎輕

便者言飛燕多鬚者號于氏根

左氏傳曰于思于思棄甲復來杜預注云于思

多鬚之貌也

大眼者為大目如此稱號各有所因大者二三

萬小者六七千賊帥常山人張燕輕勇趨捷故軍中號

曰飛燕善得士卒心乃與中山常山趙郡上黨河內諸

山谷寇賊更相交通衆至百萬號曰黑山賊河北諸郡

縣並被其害朝廷不能討燕乃遣使至京師奏書乞降

遂拜燕平難中郎將使領河北諸山谷事歲得舉孝廉

計吏燕後漸寇河內逼近京師於是出雋為河內太守

將家兵擊却之其後諸賊多為袁紹所定事在紹傳復
拜雋為光祿大夫轉屯騎尋拜城門校尉河南尹時董
卓擅政以雋宿將外甚親納而心實忌之及關東兵盛
卓懼數請公卿會議徙都長安雋輒止之卓雖惡雋異
已然貪其名重乃表遷太僕以為已副使者拜雋辭不
肯受因曰國家西遷必孤天下之望以成山東之釁臣
不見其可也使者詰曰召君受拜而君拒之不問徙事
而君陳之其故何也雋曰副相國非臣所堪也遷都計

非事所急也辭所不堪言所非急臣之宜也使者曰遷
都之事不聞其計就有未露何所承受雋曰相國董卓
具為臣說所以知耳使人不能屈由是止不為副卓後
入關留雋守洛陽而雋與山東諸將通謀為內應既而
懼為卓所襲乃棄官奔荊州卓以弘農楊懿為河南尹
守洛陽雋聞復進兵還洛懿走雋以河南殘破無所資
乃東屯中牟移書州郡請師討卓徐州刺史陶謙遣精
兵三千餘州郡稍有所給謙乃上雋行車騎將軍董卓

聞之使其將李傕郭汜等數萬人屯河南拒雋雋逆擊
為雋汜所破雋自知不敵留關下不敢復前及董卓被
誅雋汜作亂雋時猶在中牟陶謙以雋名臣數有戰功
可委以大事乃與諸豪傑共推雋為太師因移檄牧伯
同討李傕等奉迎天子乃奏記於雋曰徐州刺史陶謙
前揚州刺史周乾瑯邪相陰德東海相劉馗馗音巨眉反彭
城相汲廉北海相孔融沛相袁忠太山太守應劭汝南
太守徐璆前九江太守服虔博士鄭玄等敢言之行車

騎將軍河南尹莫府

蔡質典職儀曰諸州刺史上郡并列卿府言敢言之○劉放曰案刺史在郡上何緣有上郡之文蓋本言刺史并郡上列卿府云云

國家既遭董卓重以李

催郭汜之禍幼主劫執忠良殘敝長安隔絕不知吉凶

是以臨官尹人縉紳有識莫不憂懼以為自非明哲雄

霸之士曷能克濟禍亂自起兵已來于茲三年州郡轉

相顧望未有奮擊之功而互爭私變更相疑惑謙等並

共諮詢議消國難僉曰將軍君侯旣文且武應運而出

凡百君子靡不顚顚故相率厲簡選精悍堪能深入直

指咸陽多持資糧足支半歲謹同心腹委之元帥李傕用太尉周忠尚書賈詡策徵雋入朝軍吏皆憚入闕欲應陶謙等雋曰以君召臣義不俟駕論語曰君命召不俟駕行矣俟待也

况天子詔乎且催汜小豎樊稠庸兒無他遠畧又執力相敵變難必作吾乘其間大事可濟遂辭謙議而就催徵復為太僕謙等遂罷初平四年代周忠為太尉錄尚書事明年秋以日食免復行驃騎將軍事持節鎮關東未發會李傕殺樊稠而郭汜又自疑與傕相攻長安中

亂故雋止不出留拜大司農獻帝詔雋與太尉楊彪等
十餘人譬郭汜令與李傕和汜不肯遂留質雋等雋素
剛即日發病卒子皓亦有才行官至豫章太守

論曰皇甫嵩朱雋並以上將之畧受賑倉卒之時春秋

左氏

傳曰國之大事在祀與戎祀有執膳戎有受賑賑宜社之肉也爾雅曰舉大事動大衆必先有事於社然後出謂之宜及其功成師憇威聲滿天下值弱主蒙塵獮賊放

命斯誠葉公投袂之幾翟義鞠旅之日

新序曰楚白公勝既殺令尹司

馬欲立王子閭為王王子閭不肯劫之以及王子閭曰吾聞辭天下者非輕其利以明其德也不為諸侯者非

惡其位以潔其行也今子告我以利威我以兵吾不爲也白公強之不可遂殺之葉公子高率楚衆以誅白公而反惠王於國投袂奮袂也言其怒也左氏傳曰楚子聞之投袂而起翟義方進之子舉兵將誅王莽事見前書詩曰陳師鞠旅故梁衍獻規山東連盟而舍格天之鄭玄注云鞠告也

大業蹈匹夫之小諒卒狼狽虎口爲智士笑

山東連盟謂上云羣

師及袁氏也書稱伊尹格于皇天論語曰豈若匹夫匹婦之爲諒也莊子曰孔子見盜跖退曰吾幾不免虎口豈天之長斯亂也何智勇之不終甚乎前史著平原華

嶠稱其父光祿大夫表

華嶠譜序曰表字偉容歆之子也年二十餘為散騎常侍

每

言其祖魏太尉歆

魏志曰歆字子魚

稱時人說皇甫嵩之不伐

汝豫之戰歸功朱雋張角之捷本之於盧植收名歛策而已不有焉歛策不論其功蓋功名者世之所甚重也誠能不爭天下之所甚重則怨禍不深矣如皇甫公之赴履危亂而能終以歸全者其致不亦貴乎故顏子願不伐善為先斯亦行身之要與

贊曰黃妖衝發嵩乃奮鉞孰是振旅不居不伐老子曰居功成而不謂平許昭也於語辭雋捷陳頫亦弭於越猶云勾吳之類矣言肅王命

並遘屯麌麌猶

後漢書卷一百一

後漢書卷一百一考證

朱雋傳更封錢塘侯注錢塘記云昔郡議曹華信義立此塘○何焯曰錢唐自秦有此名以唐為塘乃俗字耳注家誤信水經注故引此

史臣贊亦弭於越注謂平許昭也○何焯曰斬梁龍非平許昭注誤平許昭乃臧旻事在其子洪傳

後漢書卷一百一考證